

Bievnesh nasjovnale pryövenassi bÿjre 2015 – eejhtegidie

Mannasinie nasjovnale pryövenassh utnebe?

Nasjovnale pryövenassi ulmie lea learohki maadthmaahtoom lohkemisnie, ryöknemisnie jÿh englaanten gÿele faagesne *vuarjasjidh* jÿh *evtiedidh*. Lohkeme- jÿh ryöknemepryövenassh eah leah pryövenassh faagine daaroen jÿh matematihke, men lohkeme jÿh ryökname maadthmaahtojne faagi dåaresth. Pryövenasse englaantengÿelesne vuartesje lohkemeguarkoem, baakoelåhkoem jÿh grammatihkem.

Gie edtja pryövenasside tÿjrriehtidh?

Nasjovnale pryövenassh 5., 8. jÿh 9. daltesinie tÿjrrichte. Learohkh 5. jÿh 8. daltesinie edtjeh nasjovnale pryövenassh lohkemisnie, ryöknemisnie jÿh englaanten gÿelesne tÿjrriehtidh. Learohkh 9. daltesisnie edtjeh nasjovnale pryövenassh tÿjrriehtidh lohkemisnie jÿh ryöknemisnie. Dah pryövenassh seamma goh 8. daltesinie guktie skuvlh maehtieh 8. daltesi illeldakh mohtedieh illeldahkide 9. daltesistie seamma jaepesne.

Learohkh 5., 8. jÿh 9. daltesinie noerhte-, åarjel- jÿh julevsaemien voestesgÿeline edtjeh nasjovnale pryövenassh tÿjrriehtidh lohkemisnie saemiengÿelesne. Dah learohkh edtjeh aaj nasjovnale pryövenassh ryöknemisnie saemiengÿelesne tÿjrriehtidh.

Åejvienjoelkedasse gaajhkh learohkh edtjeh meatan årrodh. Learohkh gÿeh reaktam utnieh sjÿiereööhpehtæmman jallh reaktam sjÿiere daaroenööhpehtæmman, maehtieh luajhtasovvemem åadtjodh nasjovnale pryövenassijste. Dah maehtieh ajve luajhtasovvemem åadtjodh jis eevre tÿjelkes pryövenasseilleldahke ij dej vijrebe ööhpehtimmiem tsevsieh. Jÿlhts learohke reaktam åtna luajhtasovvemem åadtjodh, maahta learohke jÿjtje jallh dan eejhtegh læjhkan sjæjsjalidh learohke edtja pryövenassem tÿjrriehtidh.

Magkerh laavenjassh edtjeh learohkh darjodh?

Pryövenassh ryöknemisnie jÿh englaanten gÿelesne leah elektrovneles pryövenassh, mearan pryövenassh lohkemisnie leah paehperepryövenassh. Pryövenassine ovmessie teksth, guvvieh jÿh laavenjassh gyhtjelassigujmie. Learohkh vaestiedieh gaahpoeh laavenjasside jÿh gellieveeljemelaavenjasside. Gaahpoeh laavenjasside edtjeh learohkh jÿjtje baakoejgujmie jallh taalgujmie vaestiedidh, mearan gellieveeljemelaavenjassine edtja learohkh aktem vaestiedassem veeljedh gellijste. Pryövenassesne dovne aelhkies, gaskoeh jÿh geerve laavenjassh jÿh bievnesh vedtedh learohken gaajhkine maehtelesvoete-njieptjine. www.udir.no/sne vuesiehtimmieh gååvnesieh laavenjassijste mejtie nasjovnale pryövenassine nuhtjedh. Daesnie aaj dæjman elektrovneles nasjovnale pryövenassh englaanten gÿelesne jÿh ryöknemisnie.

Illeldahki åtnoe

Learohke jÿh eejhtegh edtjeh bievnesh åadtjodh lohkehtæjjeeste illeldahki bÿjre gosse dah illeldakh pryövenassijste riejries. Eah edtjeh dejtie illeldahkide nuhtjedh gosse karakterem vedtedh, men edtja våaromem vedtedh vuarjasjidh mejnie learohke tjuaara tjarkebe barkedh. Dah illeldakh edtjeh ektesne vuartasjidh jeatjah bievnesigujmie learohki bÿjre jÿh barkojne sjÿiere ööhpehtimmine jÿh vuarjasjimmine. Skuvle maahta bievnedh guktie dah berkieh dov maanan illeldahkigujmie.

Dÿhte ajve lohkehtæjjah jÿh skuvle mah dejtie illeldahkide daejrieh learohkedaltesisnie. Skuvle jÿh lohkehtæjjah sjevohthvoetediedtem utnieh dan aajnehken learohken pryövenassen illeldahki bÿjre.

Gåessie pryövenasside tjaktjen 2015 tÿjrriehtieh?

8. jÿh 9. daltesisnie nasjovnale pryövenassh tÿjrriehtieh skÿereden 15.b raejeste golken 9.b raajan. 5. daltesisnie pryövenassh tÿjrriehtieh golken 13.b raejeste golken 23.b raajan.

Dov leah gyhtjelassh?

Bieljelh dov skuvlem jallh lohkh vielie nasjonale pryövenassi bijre mijjen viermiesæjrojne:
www.udir.no/nasjonaleprover